



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

21. An Regulares virtute suorum priuilegiorum possint ministrare
Eucharistiam vagis, aduenis, & peregrinis in die Paschatis ad implendum
præceptum annuæ communionis? Vel an teneantur supradicti ...

[urn:nbn:de:hbz:466:1-76405](https://nbn-resolving.de/urn:nbn:de:hbz:466:1-76405)

RESOL. XXI.

An Regulares virtute suorum privilegiorum possint ministrare Eucharistiam vagis, aduenis, & peregrinis in die Paschatis, ad implendum præceptum annua Communionis?

Vel an teneantur supradicti confluere ad Ecclesiam Cathedram, & Matricem pro adimplendo præceptio Communionis?

Et notatur, quod seruis, & domesticis intra Conuentum degentibus in morte, & in die Paschatis possunt Religiosi ministrare Eucharistiam, Extremam-Vnctionem, & Confessionem.

Et idem dicendum est de famulo coniugato, qui nocte dormit extra Conuentum, & si intra Conuentum sit in articulo mortis, possit illi dari Extrema-Vnction, & Confessionem.

Etiamque aduertitur, quod Religiosus, qui cum licentia certè presumptu, & moraliter certa Parochi alieni ministriat Eucharistiam in articulo mortis, & in die Paschatis, non peccat, nec incurrit censuram? Ex p.3. tr.2. Ref.12.

Sup. hoc supra in Ref. 17. §. Ioannes, & infra in Refol. seq. §. Nota tamen, cursum post mediū, & ver. Tertiū est. & in to. 6. tr. i. Ref. 45. §. 2. ad medium, & ver. Vnde Regulares.

§. 1. Negatiu responderet Peregrinus in scholis ad nostra priuilegia, part. 2. tit. communicare, §. 2. quia ex Decreto Eugenij IV. apparat supradictos adipisci incolatum quoad Sacraenta Confessionis, & Communionis tempore Paschatis, licet ibi modico tempore steterint. Præterea dici potest hos teneri confluere ad Ecclesiam Cathedram, & Matricem, quia videtur esse Parochia vniuersalis totius Diœcesis. Ita ille.

2. Sed ego contrariam sententiam tenendam esse puto, quam præter Sanch. de mair. tom. 1. lib. 3. diff. 73. n. 17. tuetur nouissime Alcamini Tamburinus de iure Abbat. tom. 2. diff. 5. quest. 3. num. 6. Laurentius Portel, in dubio Reg. ver. Sacram. administratio, n. 6. qui citat Rodriguez. Et hanc sententiam docet etiam Fagundez præcep. 1. lib. 1. cap. 8. num. 5. quia exceptio diei Paschatis apostola in Clement. 1. de priuileg. fuit introducta in fauorem Parochorum, & vt saltem eo tempore, & die omnes Parochi ad suam Parochiam confluenter: sed in nostro casu nulla sit Parochis iniuria, nam diœti non sunt Parochi; ergo, &c. Adde, quod in tali casu Regulares ministrant Eucharistiam ex tacita licentia proprii Parochi: nam cum ipse illis in alias regiones proficiscentibus hanc licentiam non restrinxerit, videtur illam virtualiter concessisse, videlicet ut possint Eucharistiam sumere in die Paschatis vbicumque voluerint.

Restat modo respondere ad argumenta Peregrini. Et,

3. Ad primum dico, quod non obstat Decretum Eugenij IV. quia fuit concession in fauorem peregrinorum ad tollendos eorum scupulos, non tamen eos obligavit, vt alienis Parochis subiicerentur, sed reliquit eos iuris communis dispositioni. Ita Sanchez, Rodriguez, & Henriquez, quos citat, & sequitur Fagundez ubi supr. Vel dic cum Portel, quod in illo Decreto Summus Pontifex intellexit, vt ibi vagi v. g. tunc etiam pro parvo tempore communicent, id est, à potente Eucharistiam ministrare, non autem limitat, quod sit Parochus, vel hic, aut ille, sed mens eius est, quod satisfacient communicando ibi in illo incolatu.

4. Ad secundum respondeo cum Portel, & Sanchez ubi supr., quod nullo iure probatur, vt Catholica sit communis omnium Diœcesis, neque ullo texu probatur, vagos, & peregrinos ad illam debere confluere.

5. Notandum est etiam hic obiret cum Portel, loco citato num. 9. quod seruis, & domesticis intra Conuentum degentibus in morte, & in die Paschatis possunt Religiosi ministrare Eucharistiam, Extremam-Vnctionem, & Confessionem. Et idem dicendum est de famulo coniugato, qui nocte dormit extra Conuentum, huic enim poterunt eadem Se. cramenta ministrari: est enim commensalis conditum, ac de isto, si intra conuentum sit in articulo mortis, cum semper ferre vixerit intra Conuentum, ac de stipendio illius, puto illi mandam efficiatur, ac bus Extremam-Vnctionem: securus autem si sit extra Conuentum, Ita Portel, qui citat priuilegia Pontificum, quæ an sint hodie renovata per Bullam Vaticanam VIII. vide Leonem de offic. confess. tom. 2. recollect. 10. num. 50.

6. Nota etiam quod Religiosus, qui cum licentia certò presumptu, & moraliter certa Parochi alieni ministriat Eucharistiam in articulo mortis, & in die Paschatis, sciens certò moraliter, quod Parochus alius amicus id velit, non peccat, neque incurrit censura, quia habens talem certitudinem moralem de Parochi voluntate, de eius licentia facere censem. Ita Sanc-

to 3. part. tom. 3. diff. 72. sect. 2. ver. hinc, quem citat, &

sequitur Portel, ubi supra n. 7.

RESOL. XXII.

An Regulares sine incursione censurarum possint ministrare Eucharistiam in die Paschatis ad implendum præceptum Equitibus Hierosolymitanis, D. Iacobi, Alcantara, Calatrava, &c.

Et cur si in futurum idem esse de Sacramenti Extremi Vnctionis.

Et supponitur non licere, sub pena excommunicationis Papalis Regularibus iure communi admitti Eucharistiam, & Extremam-Vnctionem sine licentia Parochi.

Possunt tamen ministrare Eucharistiam extranei Religiosi, etiam tempore Paschatis ad implendum præceptum Communionis, quando absunt a locis suis eorum Pralati.

Et docetur Equites Hierosolymitanos esse vere Religiosi, & posse confiteri cum Confessori non apparet ab Episcopo.

Et quid de aliis Equitibus D. Iacobi, Alcantara, Calatrava, &c.

Et notatur Regulares sine incursione censura possit multis casibus prætere facularibus Eucharistiam pro adimplendo præcepto tempore Paschatis. Et in corpore huina Resolutionis affiguntur quinque præceptum huius questionis.

Et etiam queritur, an Parochio deficiente, aut nolente per se Eucharistiam ministrare, nec licentiam concedere, possint Religiosi etiam facularibus illam porrigit, ad implendum annua communionis præceptum?

Et aduertitur posse Regulares ministrare Eucharistiam tempore Paschatis suis familiaribus.

Et an hoc priuilegium extendendum sit ad famulorum coniugatos dormientes noctu extra monasterium?

Et notatur Regulares posse hospitibus facularibus, & eorum monasteriis infirmorum ad mortem ministrare Sacrum Viaticum, Extremam-Vnctionem, & sepulturam in suis Ecclesiis abque licentia Parochi, & hoc ex pluribus Pontificiis priuilegiis. Ex p. 11. & Misc. 1. Ref. 31.

§. 1. Suppono non licere sub pena excommunicationis papalis Regularibus iure communis administrare Sacramenta.